

D. D.
DISSERTATIO GRADUALIS,
DE
LIMITIBUS
ATMOSPHÆRÆ TERRESTRIS.

QUAM
CONS. AMPL. FAC. PHIL. IN REG. ACAD. ABOENSI,
PRÆSIDE
MAG. ANDREA PLANMAN,
*Phys. Profess. Reg. & Ord. Reg. Acad. Scient. Stockh. nec non
Reg. Societ. Scient. Ups. Membro.*

Publice ventilandam fuitit
CAROLUS HENRICUS BRUNOU,
Wiburgensis.

*In AUDITORIO MAJORI Die **VII.** Junii MDCCCLXXXII.*
Horis ante meridiem solitis.

ABOÆ
Impressa apud Viduam Reg. Acad. Typogr. J. C. Frenckell.

§. I.

Altitudinem Atmosphæræ Telluris seu fluidi illius aërei, quo tellus nostra circumdatur, Celebris ille Arabs ALHATZEN, ex duratione crepusculorum, definire conatus est. Hujus vestigia secuti sunt plures alii, tam antiquiores quam recentiores Astronomi, inter quos nominasse sufficiat VITELLIONEM, NONIUM, CLAVIUM, KEPLERUM, DE LA HIRE, KEILL atque LE MONNIER; sed ita tamen, ut recentiores etiam rationem refractionis radiorum lucis haberent. Cum autem in Methodo, qua ex duratione crepusculorum altitudo Atmosphæræ nostræ definitum iri existimatur, initium matutini vel finis vespertini crepusculi accurate datum supponitur; patet istam fini obtinendo esse minus convenientem. Etenim confinium noctis & crepusculi difficillimum est determinatu; cum plenaria caligo istud confinium non excipit; sed aliquid luminis etiam per totam noctem Atmosphærā collustrare deprehenditur. Gratis quoque assumitur, quod radius lucis, a Sole infra Horizontem constituto prodiens terramque stringens, facta unica reflexione in suprema aëris regione, ad oculum observatoris deferatur; cum notissimum sit, radios lucis, post varias reflexiones tam in Atmosphæra quam superficie Telluris

luris factas, oculos nostros ingredi posse atque sic limites crepusculorum noctiumque dubios reddere. Quid? Quod aëri magis minusve condensato in limitibus hīcē variandis haud contemnendae partes sint attribuendae. Hinc non potest non calculus, duratione crepusculorum superstructus, altitudinem Atmosphæræ Terrestris a vera quam maxime abludentem exhibere; quemadmodum etiam constat istam hac methodo vix ad septem milliaria Svecana obtineri: cum tamen aurora Borealis ad altitudinem plusquam centenorum eorundem milliarum quandoque conspiciatur, prout ex *Actis Reg. Acad. Scient. Stockh.* pro Anno 1764. p. 209. patescit.

§. II.

Tentamina illorum successu quoque caruerunt, qui sub hypothesi densitatis aëris constantis a superficie Terræ ad extremam usque aëris regionem, ex data gravitate specifica aëris atque Mercurii vel aquæ, altitudinem nostræ Atmosphæræ definiendam aggressi sunt; quandoquidem ista hypothesis repugnat indoli fluidi aërei, cuius densitatem, auctis a Tellure distantiis, decrescere notissimum est. Vix majori cum successu calculos suos subduxisse censendi sunt, qui in eadem disquisitione rationem decrementorum densitatis aëris habuerunt. Sic Clariss. SEGNER in tractatu suo (*Einleitung in die Natur Lehre*) p. 155, altitudinem Atmosphæræ terrestris, ex data differentia alti-

tudinis Mercurii in Barometro ad superficiem Terræ atque elevationem datam, definire voluit; statuendo scilicet densitatem aëris, sub hypothesi gravitatis constantis, in progreSSIONe geometrica decrescere, crescentibus distantiis a superficie telluris in progreSSIONe Arithmetica. In hunc finem adducit experimentum quoddam Barometricum, de quo id solummodo perhibet, quod ad distantiam septem milliarium Ang. a superficie terræ, altitudo Mercurii in Barometro fuerit quarta pars istius altitudinis, quam in ipsa superficie habuit. Hinc ad calculos revocat altitudinem Atmosphæræ in sex partes divisam, quarum quævis septem millaria Ang. continet, atque altitudinibus, quas sic obtinet, correspondentes mercurii altitudines, in progreSSIONe geometrica decrescentes, attribuit. Quo facto invenit, in elevatione sexies septem milliarium Ang., densitatem aëris esse ad istam in superficie telluris ut $\frac{1}{4096}$ ad 1; quam quidem extremæ rarefactionis limitem esse existimat. Hinc itaque concludit altitudinem Atmosphæræ terrestris non nisi ad 42 millaria Ang. seu $10\frac{1}{2}$ millaria Germ. pertingere. Ut autem patescat, quo loco sit habendum experimentum allatum; ad aliud experimentum, quod a nemine in dubium vocetur, ratio ineunda erit: id quod Celeberr. BOUGUER cepit observando altitudinem mercurii in barometro sub æquatore & in libella maris lin. 337, in vertice autem montis Pichinchæ lin. 191 fuisse; hujus montis altitudinem invenit hexap.

hexap. 2435, quæ 2663 orgyas Svec. proxime efficiunt. Ex quo sequitur, densitatem aëris in libella maris esse ad densitatem ejus in altitudine 2663. Org. Svec. ut 337 ad 191; adeoque raritas aëris prope superficiem maris erit ad ejus raritatem in ista altitudine ut 1 ad $\frac{337}{191}$. Quæratur jam in hypothesi gravitatis constantis altitudo, in qua raritas aëris sit 4096 vicibus major quam in libella maris, inferendo: Ut

$\text{Logarithmus raritatis } \frac{337}{191} \text{ ad Logarithmum raritatis 4096, ita altitudo 2663 org. Svec. ad altitudinem, quæ queritur.}$ Facta supputatione ad hanc normam prohibet altitudo quæsita 39006 orgyarum Svec. seu $6\frac{1}{2}$ milliarium Svec.; adeoque aliquanto minor, quam Cl. SEGNER ex experimento a se allato obtinuit. Sed lubet experiri, quanta Atmosphæræ altitudo, sub hypothesi gravitatis decrescentis in ratione quadratorum distantiarum a centro terræ, obtineatur pro eadem aëris densitate, quæ nimirum habet se ad densitatem aëris in libella maris ut 1. ad 4096 subducendo cal-

$$Ar \text{ Log. } \frac{D}{\pi}$$

$$\text{culos ad formulam } z = \frac{O. 4343 r - A \text{ Log. } \frac{D}{\pi}}{A 3}$$

quæ in Celeberrimi FRISTI Cosmographiae parte altera & pag. 253 comparet. (*) In hac formula denotat z altitudinem Atmosphæræ a superficie terræ, quæ

quæritur; A altitudinem aëris homogenei & atmosphæræ æquiponderantis hexapedarum $4241 = 4642$ org Svec.; r radium telluris, qui ponatur 3589141 org. Svec.; Log. $\frac{D}{\pi}$ Logarithmum hyperbolicum rationis densitatis aëris in libella maris & altitudine z ; adeo-

(°) Fortassis abs re non erit, demonstrationem hujus Formulæ exhibuisse:

E Sit igitur in recta CE punctum C centrum telluris, punctum B in superficie ejusdem atque E ultimus terminus Atmosphæræ terrestris. Fiat $CB = r$, $BN = z$; eritque $CN = r + z$. Ponatur gravitas in $B = g$, atque habetur gravitas in N seu ad distantiam z , inferendo $\frac{g r^2}{r+z} : r^2 :: g :$

$$\frac{g r^2}{r+z^2}. \text{ Fiat quoque densitas aëris in } B = D,$$

C & in $N = \pi$; eritque massa aëris ipfi dz respondens $= \pi dz$, ejusdemque massæ pondus $= \frac{g r^2 \pi dz}{r+z^2}$.

Cumque $A =$ altitudini aëris homogenei æquiponderantis columnæ BE , erit hujus columnæ pondus $= gDA$. Assumta jam lege condensationis aëris, prout vi experimentorum plerumque assumi solet, scilicet quod aëris densitates sint proportionales ponderibus ipsi incumbentibus; erunt fluxiones densitatum & ponderum itidem proportionales; adeoque $gDA : D ::$

7

adeoque in casu proposito Log. $\frac{D}{\pi} = \text{Log. } 4096$; Fra-
ctio

$\therefore \frac{gr^2 \pi dz}{r+z^2} = -d\pi$, afficiendo signo-fluxionem densi-
tatis, cum decrescit crescente z & vice versa. Hinc
habetur $-A \frac{d\pi}{\pi} = \frac{r^2 dz}{r+z^2}$, quæ integrata & corre-

cta præbet Log. $C - A \text{Log. } \pi = -\frac{r^2}{r+z}$. Ad de-
finiendam correctionis ergo assumtam constantem Log.
 C , observamus, posita $z=0$, fieri Log. $\pi = \text{Log. } D$;
facta igitur substitutione & transpositione in æquatione
inventa, obtinebitur Log. $C = A \text{Log. } D - r$; &
substituendo hunc valorem ipsius Log. C in æquatione
Log. $C - A \text{Log. } \pi = -\frac{r^2}{r+z}$, habetur $A \text{Log. }$

$$\frac{D}{\pi} = r - \frac{r^2}{r+z} = \frac{rz}{r+z}; \text{ quare } z = \frac{r^2}{r-D}$$

$\frac{Ar \text{ Log. } \frac{D}{\pi}}{r - A \text{ Log. } \frac{D}{\pi}}$; sumtisque Logarithmis Briggianis, e-

$$\text{rit } z = \frac{\frac{Ar \text{ Log. } \frac{D}{\pi}}{0.4343}}{\frac{r - A \text{ Log. } \frac{D}{\pi}}{0.4343}} = \frac{Ar \text{ Log. } \frac{D}{\pi}}{0.4343r - A \text{ Log. } \frac{D}{\pi}}; \text{ q. e. d.}$$

Ratio autem decimalis, o. 4343, indicat quam proxime modulum Logarithnorum, qui ex Tabulis Briggianis sumuntur. Per hæc data, facta supputatione ad istam formulam, prodibit Atmosphæræ terrestris altitudo $z = 39146$ org. Svec., quæ efficiunt paulo plus quam $6\frac{1}{2}$ milliaria Svecana. Patet itaque hinc, in minoribus distantiis perinde esse, si calculus instituatur sub hypothesi gravitatis sive constantis, sive decrescentis in ratione quadratorum distantiarum. Præterea observari convenit, quod altitudo Atmosphæræ nostræ, ex assumtis extremæ aëris rarefactionis limitibus, frustra quæratur; cum hi limites ita extendantur, ut omnem concipiendi vim nostram eludent; quemadmodum ingeniose demonstratum legitur in parte 2:da Dissert. de *Atmosphæra tellurem ambiente*, quæ Præside Nobilissimo Dn. Professore MELANDERHIELM anno 1763 Upsaliæ prodiit, in qua pariter conficitur, limites aëris, decrescente gravitate in ratione duplicita distantiarum, non esse assignabiles.

§. III.

Neque cuiquam mirum videbitur, quod limites aëris non sint assignabiles, cum maxime probabile habeatur, fluido hocce aëreo etiam reliquos Planetas una cum Sole esse circumdatos, ut nihil de stellis fixis dicamus, quarum distantia tanta est, ut vix ulla arte humana detegi queat, num quoque istæ Atmosphæræ cingantur nec ne: nisi quis cum nonnullis recentiorum voluerit, nebulas istas, quæ stellarum nebulosa-

losarum nomine venire solent, pro quarundam fixarum Atmosphæris haberri. Usque enim ab eo tempore, quo **GALILÆUS & SCHEINERUS** maculas in Sole telescopiorum ope detexerunt, crebræ factæ sunt observationes in istas maculas, quarum plures deprehendebantur diutius ultra Solem latere, quam citra Solis discum apparere. Hinc non potuit non colligi, maculas istas superficie Solis non adhærere, sed inde altius esse positas atque eodem motu rotatorio cum Sole abripi: quod certissimo videtur esse indicio, Solem quoque Atmosphæra quadam esse stipatum. Planetæ telescopiis spectati, maculas etiam produnt, quarum variationes indicare videntur, singulos sua gaudere atmosphæra: quemadmodum jam **HUGENIUS** in opusculo, cui titulum *Cosmotheoros* indidit, de Venere atque in primis de Jove ostendere conatus est. Maculas enim, quæ in Jove modo plures, modo pauciores, variisque mutationibus obnoxias observari contigit, nubibus in atmosphæra Jovis existentibus adscribere non dubitavit. Ex simili macularum variatione, quæ deinceps in Marte atque Saturno observatæ sunt, eadem sententia de Atmosphæris illorum invaluit. Quod ad Venerem attinet, phænomema, in transitu ipsius per Solis discum anno tam 1761 quam 1769 observata, existentiam atmosphæræ Veneris, extra dubitationem ponere videntur: quæ res in Dissertationis de *Atmosphæra Veneris*, parte priori, sub præsidio Cel. D:ni Præsidis Anno 1770 hic ventilata, diffusius exposita habetur. De luna autem anceps diu

mansit quæstio, eo fere vergens, ut omni privaretur Atmosphæra. Ast Cel. DU SEJOUR in Actis Acad. Paris. Anni 1764 & 1765. præter alia id egit, ut Lunæ suam vindicaret Atmosphærā, millies fere Atmosphæra terrestri rariorem. Maxime itaque probabile est, quemvis Planetam cum Sole sua stipari Atmosphæra. Probabiliter quoque concludere licet, fluidum istud aëreum, quo tellus circumcingitur, ad totum Systema Planetarium & fortassis ultra pertinere: quippe in Dissertatione, §. II. citata, quoque demonstratur, densitatem aëris, in distantia etiam infinita, esse datæ magnitudinis; decrescente gravitate in ratione duplicata distantiarum a centro telluris.

§. IV.

Quod autem pertinet ad limites altitudinis fluidi aërei, quod telluris nostræ Atmosphærām constituit, isti certe re ipsa sunt determinatæ magnitudinis. Et enim illud duntaxat fluidum aëreum, quod telluris motum tam rotatorium quam progressivum sequitur, ad terrestrem Atmosphærām pertinere censendum est, cuius fluidi altitudinem ultra certos limites non progredi per se patescere existimamus. Nihilominus tamen difficillimum est determinatu, ad quam altitudinem hi limites se extendant, id quod ex jam dicendis patebit. Primo itaque nobis dispiciendum erit, quos limites Atmosphæræ terrestri permittat Lunæ vis attractiva, quoniam Lunæ utpote telluri proximæ, etiam in æstu maris potiores omnino partes competunt.

petunt. Statuatur igitur, vim attractivam tellurem inter & Lunam esse in ratione directa massarum & inversa quadratorum distantiarum earundem, atque inveniatur distantia particulæ aëris, a terra lunaque æqualiter attracta, in recta centra earundem conjungente. Exhibeat a distantiam centrorum terræ & Lunæ, & x distantiam particulæ quæsitæ a centro terræ erit $a - x =$ distantiae ejusdem particulæ a Lunæ centro. Ponatur massa telluris $= M$ atque Lunæ

$= m$; eritque per hypothesin $\frac{M}{x^2} = \frac{m}{a-x^2}$; unde

$$M(a^2 - 2ax + x^2) = mx^2, \text{ vel } x^2 - \frac{2Max}{M-m} = -\frac{Ma^2}{M-m}; \text{ adeoque } x = \frac{a(M \pm \sqrt{Mm})}{M-m}.$$

In hoc valore ipsius x signum — erit retinendum, quippe quod Problemati satisfacit. Signum autem \pm distantiam x exhibet protensam ultra Lunam. Ponatur M ad m ut 62, 8 ad 1, quemadmodum Cel. FRISIUS habet loco citato pag. 253, eritque $M = 62, 8 m$; sit quoque media distantia Terræ Lunæque semidiometrorum terrestrium $60 = a$. Substitutis his valoribus in æquatione

$$x = \frac{a(M - \sqrt{Mm})}{M-m} \text{ obtinebitur } x = 53, 3 \text{ semidiometrorum terrestrium,}$$

quem limitem altitudo Atmosphæræ nostræ non excederet, si a Lunæ attractione sola penderet; quia inde usque particulæ aëreæ attractioni Lunæ obtemperarent. Altitudo igitur Atmosphæræ

sphæræ a superficie terræ foret 52, 3 earundem semidiametrorum, nisi tellus nostra gauderet motu circa axem rotatorio, altitudinem istam per vim centrifugam, intra longe arctiores limites compellente.

§. V.

Restat igitur ut dispiciamus, quantum altitudo Atmosphæræ per vim centrifugam particularum aëris, ab ipsarum communi cum Tellure motu vertiginis oriundam deprimatur. Sit gravitas in ratione reciproca quadratorum distantiarum a centro terræ, & vis centrifuga in directa ratione distantiarum ab eiusdem superficie; ponatur quoque semidiameter æquatoris $\equiv c$, nec non gravitas ad vim centrifugam sub æquatore ut a ad 1, atque inveniatur distantia x a centro terræ, in qua vis gravitatis fit æqualis vi centrifugæ, & consequenter particularum aëris omnis motus rotatorius cum Tellure cessat. Jam autem per simplicem analogiam ex iis quæ supposuimus, habetur in distantia x vis centrifuga $\equiv \frac{x}{c}$, nec non vis gravitatis $\equiv \frac{ac^2}{x^2}$; quæ vires per hypothesin erunt æquales, adeoque $\frac{x}{c} = \frac{ac^2}{x^2}$ unde $x^3 = ac^3$, nec non $x = c\sqrt[3]{a}$. Si cum Cel. FRISIO assumatur, vim gravitatis se habere ad vim centrifugam sub æquatore ut 288, 5 ad 1; erit $a = 288, 5$ & proinde $x = c$

$\approx c \sqrt[3]{a} \approx 6$, 6. c. Hinc itaque limes ultimus Atmosphæræ terrestris ad distantiam quinque semidiameterorum æquatoris cum semisse a superficie terræ ponendus foret. Ast hæc altirudo nimis magna adeoque diminuenda adhuc videtur. Verisimile enim non est, quod hunc limitem proxime excipientia strata inferiora, ob nimis magnam suam raritatem & valde exiguum vim gravitatis eundem participant motum rotatorium, quo tellus cum Atmosphæra inferiori circumagit. Sed limites certo definire, quousque diminuenda sit Atmosphæræ altitudo, quam obtinuimus; id forsitan omnem sagacitatem humanam eludit. Nihilominus ex allatis patescere existimamus, quod limites terrestris Atmosphæræ longe altius sese extendant, quam vulgo creditur.

